



Letšatši la Bohwa

Ndivhuho Mutsila

Thulisile Shongwe



Mo Afrika Borwa, ka la 24 Lewedi ke Letšatši la Bohwa.


Kanegelo ye e bolela ka Letšatši la Bohwa. O tlo botšwa ka lona le go re ke ka lebaka la eng e le letšatši le bohlokwa mo Afrika Borwa.



Batho ka moka ba na le botšo. Botšo bja rena ke karolo ya bohwa bja rena.

MaAfrika Borwa ba keteka botšo bja go fapafapana ka go kgobokana ka lona letšatši le bjalo ka meloko, ditšhaba le naga.

Afrika Borwa e na le mehuta ya go fapana ya ditšo.



Ka moka ga rena mo Afrika Borwa re na le bohwa bjoo re ikgantšhago ka bjona.

Bohwa bja Afrika Borwa bo kgabile ka mebalabala.

Ditšho tša rena di na le dijo le dino tša go fapafapana, meaparo ya setšo, dikoša le mmino.



Ditšo tša rena tša go fapafapana di na le mehutahuta ya ditumelo, ditlwaelo le meeno.

Batho ba Afrika Borwa ba bolela maleme a go fapafapana. Go na le maleme a semmušo a 12.

Letšatši la Bohwa ka maleme a semmušo a Afrika Borwa?



Ilanga lamaGugu (isiNdebele)

USuku lwezaMafa (isiXhosa)

USuku lwamaGugu (isiZulu)

Letsatsi la Botjhaba (Sesotho)

Letsatsi la Ngwaoboswa (Setswana)


Lilanga Lemagugu (Siswati)

Duvha la Vhufa (Tshivenda)

Siku ra Ndzhaka (Xitsonga)

Erfenisdag (Afrikaans)

Heritage Day (English)



Ka nako ya kgethologanyo ya merafe, letšatši 24 Lewedi e be e tsebega bjale ka Letšatši la Shaka.

Ka morago ga nako ya kgethologanyo ya merafe, palamente e ile ya fetoša Letšatši la Shaka gomme la bitšwa go re ke Letšatši la Bohwa. E ile ya ba letšatši leo MaAfrika Borwa ka moka ba ketekago ka lona.

Re keteka go fapafapana ga bohwa bja rena.



Molaotheo wa Afrika Borwa o na le melao ye bohlokwa yeo e re hlahlago. O na le melao yeo e thekgago le go šireletša ditokelo tša rena.

Molaotheo o re, bohle re a lekana.

Ga go na motho yoo a fetago yo mongwe pele ga molao.



Molaotheo o re batho ba se ke ba kgethologanya.

Re swanetše go hlomphana.

Motho yo mongwe le yo mongwe o na le ditokelo. Ka moka re na le ditokelo
tša polelo, tumelo le setšo.



Ka Letšatši la Bohwa, MaAfrika Borwa ba ipshina ka go opela dikoša tša setšo le go bina mmino wa setšo.

Re ipshina gape le ka go apea dijo tša rena tša setšo.


Ba bangwe ba tumiša badimo ba ga bo bona ka diretokošana. Ba bangwe ba etela mabitla a badimo ba bona.



Batho ba apara meaparo ya mebalabala. Ba apara dinyebelese, minwenda, seshoeshoe, dibhelane le tše dingwe tše dintši.

Ge MaAfrika Borwa ba keteka Letšatši la Bohwa, re keteka gape le maswao a bosetšhaba.

Maswao a bosetšhaba ke diphoofolo le dibjalo tšeo e lego karolo ya bohwa bja rena.



Maswao a bosetšhaba a Afrika Borwa ke a: Tshephe ke phoofolo ya bosetšhaba. Tlhame ke nonyana ya bosetšhaba.

Real Yellowwood ke mohlare wa bosetšhaba. *Protea* ke letšoba la bosetšhaba.

Galjoen ke hlapi ya bosetšhaba.



Dikolo di keteka meletlo ya Letšatši la Bohwa pele ga nako.

Bana ba apara diaparo tša bona tša setšo le go anegelana tšeo ba di tsebago ka bohwa bja bona.

Ba iša pele ka go kwa tatso ya dijo tša ditšo tša ba bangwe le go bina mmino wa setšo.



Meletlo ya go keteka bohwa ya Afrika Borwa e swanetše go ketekwa Afrika ka bophara.

Bana ba Afrika ba go ikgantšha ka segagabo bona ba re:

Ke nna Namunya. Ke apere shuka.

Ke nna Adilah. Ke apere kaftan.

Ke nna Isoka. Ke apere gele.

Ke nna Sipho. Ke apere bhesu.

—Dipotšišo

1. Na Letšatši la Bohwa le ketekwa neng?
2. Efa maina a mane a maswao a bosetšhaba a Afrika Borwa.
3. Ngwala leina la 'Letšatši la Bohwa' ka maleme a mabedi e sego ka leleme la geno.
4. 1Ahlaahla ditokelo tše dingwe le tše dingwe tše nne tšeo Molaotheo wa Afrika Borwa o di thekgago le go di šireletša.
5. Ke dife ditsela tša go fapana tšeo MaAfrika Borwa a ketekago Letšatši la Bohwa ka tšona?
6. Nyakišiša ka ga mafelo a Bohwa a mahlano mo Afrika Borwa.
7. O kwešiša eng ka ga 'maleme a semmušo'? Hwetša maleme a mahlano a Afrika Borwa ao e sego a semmušo.
8. Na o nagana gore go swanetše go ba le polelo ya semmušo ye tee fela mo Afrika? Hlaloša.

—Dipuku tšeo di lego mo tlhahlamano ye

- Letšatši la Poelano
- Letšatši la Tokologo
- Letšatši la Bohwa
- Letšatši la Ditokelo tša Botho
- Letšatši la Basadi
- Letšatši la Bašomi
- Letšatši la Baswa

Kanegelo ye e hlamilwe le go ngwalwa ka Tshivenda e le karolo ya protšeke ya Zenex Ulwazi Lwethu ya ngwaga wa 2020 ya dipuku tša go bala.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education
Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Letšatši la Bohwa

Author/s: Ndivhuho Mutsila

Translator/s: Dikeledi Queen Shai

Illustrator/s: Thulisile Shongwe

Assurer/s: Connie Makgabo

Language: Sepedi



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

